



ELECCIÓN Á XUNTA DE GOBERNO

22 de decembro de 2017

A Xunta de Goberno do Ilustre Colexio de Avogados de Santiago de Compostela (en diante ICASC), na sesión do día 31.10.2017, tomou o acordo de convocar eleccións para cubrir os cargos de decano, deputado primeiro, deputado cuarto e bibliotecario desta Xunta de Goberno, segundo os criterios dispostos na seguinte convocatoria.

CONVOCATORIA

Na data desta sesión quedan convocadas as eleccións que terán lugar o **22 de decembro de 2017** ás 10.00 h, no salón de actos deste Colexio, a teor do previsto nos artigos 66 e 67 e 76 a 83 do Estatuto do Ilustre Colexio de Avogados de Santiago de Compostela e nos concordantes do Estatuto xeral da avogacía española.

Os cargos electos son os de decano, deputado primeiro, deputado cuarto e bibliotecario, por renuncia de D. Evaristo Nogueira Pol e por cesamento regulamentario de D. Francisco Rabuñal Mosquera, D^a Patricia López Arnos e D^a M^a Jesús Vieito Mayo.

Os devanditos cargos serán elixidos entre colexiados exercentes e residentes na demarcación do Colexio que, ao seren proclamados candidatos, acrediten as seguintes antigüidades mínimas de exercicio profesional:

- Para decano e deputado primeiro: 10 anos
- Para bibliotecario e deputado cuarto: 3 anos

Os candidatos non poderán estar incurso en ningunha das seguintes situacións:

- a) Estar condenados por sentenza firme que leve aparelada a inhabilitación ou suspensión para cargos públicos, en canto estas subsistan.
- b) Ter sido disciplinariamente sancionados en calquera colexio de avogados, mentres non sexan rehabilitados.
- c) Ser membros de órganos reitores doutro colexio profesional.

Todos os prazos recollidos nesta convocatoria computaranse por días naturais (artigo 76.2.1º do Estatuto do ICASC).

I. Dereito de sufraxio e valor do voto

Terán dereito de sufraxio activo todos os colexiados incorporados con máis de tres meses de antelación á data de convocatoria das eleccións (artigo 77.1), segundo o censo publicado xunto coa presente convocatoria (**altas a 30.07.2017**).

O voto dos colexiados exercentes terá valor dobre que o voto dos non exercentes. (Artigo 77.2)



II. Voto por correo

A elección realizarase por votación directa e secreta dos colexiados. A elección poderá realizarse mediante voto por correo, garantíndose a autenticidade e o seu segredo. O **voto por correo** axustarase ás seguintes normas:

O colexiado que faga uso do seu dereito ao voto por correo, previsto no Estatuto do ICASC, deberá solicitalo con carácter previo, a partir da data da convocatoria e ata o décimo día anterior ao da votación (**12.12.2017, ás 14.00 h, fin do prazo para solicitar o voto por correo**), mediante unha instancia subscrita polo elector dirixida á Xunta de Goberno co fin de que se lle recoñeza a calidade de votante por correo. A antedita solicitude poderá realizarse ben persoalmente na secretaría do ICASC (rúa de Eduardo Pondal, 4, baixo, Santiago de Compostela), logo da acreditación da súa personalidade, ou ben mediante correo postal no que se achegue unha fotocopia compulsada do seu DNI, así mesmo, a dita solicitude tamén se poderá enviar por correo electrónico con sinatura dixital.

Unha vez que a secretaría do ICASC reciba a solicitude, comprobarase a condición de colexiado e elector, efectuarase a anotación correspondente no censo e, de ser o caso, expedirase o certificado de inscrición. Se o día da votación o elector votase persoalmente, o voto recibido por correo será anulado.

A secretaría do ICASC remitiralle ao elector por correo certificado, ao seu domicilio profesional que conste na base de datos de colexiados do ICASC, a seguinte documentación:

- certificación acreditativa da súa condición de colexiado e elector;
- papeletas das distintas candidaturas;
- sobre branco para as papeletas;
- sobre grande, numerado e impreso coa lenda “inclúe papeleta de voto por correo para as eleccións que se realizarán o 22.12.2017” e mais o enderezo do ICASC.

Dentro do sobre grande numerado, o elector introducirá o certificado acreditativo da súa condición de colexiado-elector e o sobre branco, no que deberá introducir unicamente a papeleta de voto, ou ben o sobre baleiro se quere votar en branco.

A devandita documentación será remitida por correo certificado ao enderezo da mesa electoral que aparece impresa no sobre grande (Ilustre Colexio de Abogados de Santiago de Compostela, rúa de Eduardo Pondal, 4, baixo, 15702 Santiago de Compostela).

O voto por correo deberá ser recibido antes das 14.00 h do día anterior á celebración das eleccións (**21.12.2017, ás 14.00 h**).

III. Tramitación

Os trámites que se han seguir ata a celebración do acto electoral son os seguintes:



A convocatoria será anunciada, como mínimo, con **30 días de antelación**. A elección efectuarase o día sinalado (22.12.2017) entre as 10.00 e as 17.00 h en que se procederá ao peche das urnas e ao seu correspondente escrutinio.

Dentro dos cinco días seguintes á data da convocatoria electoral, a secretaria encargárase do seguinte:

- a) Publicar a convocatoria electoral no taboleiro de anuncios e na páxina web do ICASC, así como remitila por circular a todos os colexiados por medio de correo electrónico. Na convocatoria deberá constar a seguinte información:
 - Os cargos que han ser obxecto de elección e os requisitos tanto de antigüidade como de situación colexial esixidos para poder aspirar a cada un deles.
 - O día e a hora da celebración do acto electoral e a hora en que se pecharán as urnas para dar comezo ao escrutinio.
- b) Expor no taboleiro de anuncios do ICASC o censo separado de colexiados **exercentes** e de **non exercentes** con dereito a voto (**02.11.2017, exposición de listaxes censuais**).

IV. Censo

O censo de colexiados con dereito a voto (incorporacións ao Colexio con máis de tres meses de antelación á data da convocatoria) publicarase en listas separadas, de colexiados exercentes e non exercentes, e terá os seguintes datos:

- Data de incorporación ao Colexio
- Número de colexiado
- DNI
- Apelidos e nome


Unha vez presentadas as candidaturas, estas terán acceso a unha copia dos censos.

Os colexiados que desexaren formular reclamacións contra as listaxes de electores, haberán de presentalas dentro do prazo dos **cinco días** seguintes á súa exposición (**do 3 ao 7 de novembro de 2017, ás 14.00 h**).

No caso de existir reclamacións contra as listaxes, a Xunta de Goberno, sen participación dos deputados que cesan dos seus cargos, resolverá sobre elas dentro dos tres días seguintes á expiración do prazo para formulalas. A súa notificación seralle notificada a cada reclamante dentro dos dous días seguintes.

V. Candidaturas

As candidaturas deberán presentarse na secretaria do ICASC no prazo que medie entre o día da convocatoria e os quince días anteriores á data de celebración das eleccións, excluíndose do cómputo o día das eleccións (artigo 78.1 do Estatuto do ICASC). As candidaturas presentadas deberán estar acompañadas dunha declaración xurada de non incorrer en ningunha das situacións recollidas no artigo 66.2 do Estatuto do ICASC. (**07.12.2017, ás 14.00 h, fin do prazo para presentar candidaturas**)



As candidaturas poderán ser conxuntas para varios cargos ou individuais para cargos determinados e deberán ser subscritas exclusivamente polos propios candidatos.

Ningún colexiado poderá presentarse como candidato a máis dun cargo.

No día seguinte á finalización do prazo de presentación de candidaturas (**08.12.2017**), a Xunta de Goberno, sen participación dos deputados que cesan dos seus cargos e se presentan á reelección, tomará o acordo de proclamar como candidatos aqueles que reúnan os requisitos legais esixibles e considerará electos aqueles que non teñan oponentes.

A seguir, o devandito acordo publicárase no taboleiro de anuncios e seralles notificado aos candidatos. Dende a secretaría do Colexio, por medio do servizo de información colexial, o acordo será comunicado por correo electrónico a todos os colexiados.

VI. Mesa electoral

Para a celebración da elección, constituirase a mesa electoral. Esta mesa estará integrada polo secretario da Xunta de Goberno como presidente, auxiliado como mínimo por dous membros máis da propia Xunta, como vogais, dos que o máis moderno actuará como secretario. Non poderán formar parte da Mesa os deputados da Xunta que cesan dos seus cargos e se presentan á reelección. Cada candidato poderá, pola súa parte, designar de entre os colexiados un ou máis interventores para que o representen nas operacións da elección.

Na mesa electoral deberá haber unhas **urnas separadas** para o depósito dos votos dos colexiados **exercentes** e **non exercentes**. As urnas deberá estar pechadas, deixando unicamente unha abertura para depositar os votos.

Unha vez constituída a mesa electoral, o presidente indicará o comezo da votación e, á hora prevista para a súa finalización, pecharanse as portas e só poderán votar os colexiados que xa estivesen na sala. Os membros da mesa votarán en último lugar.

VII. Duración, papeletas e acreditación

A elección terá de duración para o seu desenvolvemento o tempo fixado **entre as 10.00 e as 17.00 h.**

As papeletas de voto deberán ser brancas, do mesmo tamaño (medio folio A4), editadas polo ICASC e deberán levar impresos por unha soa cara de forma correlativa os cargos a cuxa elección se procede.

Os candidatos poderán pola súa parte confeccionar papeletas, que deberán ser exactamente iguais ás editadas polo ICASC, segundo o modelo facilitado dende o Colexio.

Na sede en que se celebren as eleccións, a Xunta deberá dispor do número suficiente de papeletas cos nomes dos candidatos en branco.



Os votantes deberán acreditar ante a Mesa Electoral a súa personalidade. A Mesa comprobará a súa inclusión no censo elaborado para as eleccións; o seu presidente pronunciará en voz alta o nome e os apelidos do votante e indicará que vota; deseguido, o presidente introducirá a papeleta na urna correspondente.

VIII. Escrutinio

Logo de finalizar a votación, procederase ao escrutinio lendo en voz alta todas as papeletas.

Deberán ser declarados nulos totalmente aqueles votos que conteñan expresións alleas ao **estrito contido** da votación ou que conteñan riscaduras ou marcas escritas e, parcialmente, en canto ao cargo que afectase, as que indiquen máis dun candidato para un mesmo cargo, ou nomes de persoas que non concorran á elección. Aquelas papeletas que estean só parcialmente cubertas en canto ao número de candidatos, pero que reúnan os requisitos esixidos para a súa validez, serano para os cargos e as persoas correctamente expresados. Así mesmo, considerárase nulo o voto por correo daqueles electores que votasen persoalmente ante a Mesa o día das eleccións.

Unha vez finalizado o escrutinio, a presidencia anunciará o resultado e deseguido proclamará electos os candidatos que obtivesen o maior número de votos para cada cargo. No caso de empate, entenderase elixido o de maior tempo de exercicio no ICASC.

IX. Constitución

No prazo de **cinco días** dende a constitución dos órganos de goberno, esta seralles comunicada ao Consello Xeral da Avogacía Española, ao Consello da Avogacía Galega e á Dirección Xeral de Xustiza, indicando a súa composición e o cumprimento dos requisitos legais.

Santiago de Compostela, 31 de outubro de 2017

O secretario

José Carlos García Campiño

